

دائرة مخصوصه

درسعادتده باب على جوارنده

محل اداره :

مشرط القبر

اخطار :

مسلكمنه موافق آثار جديده مع المنوئيه
قبول اولنور

دوج ايدلهين آثار اعاده اولنور

ديره ، فلسفه ، علوم ، حقوق ، ادبياتده و سياستده و باطناصه كرك سياى و كرك اجتماعى و مرنى احوال و شئونه اسلاميه و ده بحث ايدر و هفته ده بر نشر اولنور.

آبونه بدلى

صاحب و مؤسسلرى :

ابوالعلا زين العابدين - ح . اشرف اديب

درسعادتده نسخه سى ۵۰ پاره در

سنه لکى التى آيلنى

ممالك عثمانيه ايچون	۸۰	۴۰	غروش
روسيه	۶۰۵	۳۰۵	روبله
ساثر ممالك اجنبيه	۱۷	۹	فرانق

تاريخ تأسيسى

۱۰ تموز ۳۲۴

قيرله دن مقوا بورو ايله گوندريلبرسه سنوى
۲۰ غروش فضله آلنير

عدد : ۶۰

۱۳ شوال ۳۲۷ پنجشنبه ۱۵ شرين اول ۳۲۵

اوچنچى جلد

ابی افاده ایدم . بو نقطه ده سوزی اوزانه جق اولسه ق چوق اوزار . شونی اونو تاملای یز که چو جو غک بوايشده کی قابلیتی ایشله تمک ، ملکه حالته قویق ، توسیع ایتک معلمک وظیفه سیدر .

بو ایکی جهتک ، یعنی معنا ایله لفظک ، آکلما ایله آکلانمک برلکده ترقی ایتدیرلمه سی پک طبیعی برشی ایکن ، بز چوقاق طبیعی حرکت ایدم مدیکمزدن بونی یا پامایورز . . بر جهتی مهمل بر اقوب بر جهتی ایشله تیورز . او حالده که اشیایه وقوفه پک قوف ایکن درین سوزلر سویله یه جکنی زعم ایدن کاتبلر ، ادیبلر یتیشدیر یورز . بونلر صوی بیلمزلر ، فقط صو اوزرینه صودن سوزلرله مقاله لر یازوب صحیفه لر طولدورورلر . محترم طیب بسم عمر پاشانک دیدیکی کپی ، بونلر ایچنده کوز یاشندن ادیبانه بحث ایدوب بونک ناصیل حصوله کلدیکنی بیلمه یلر وعشق وعلاقه یی تدقیقه قلبک تأثراتی یازوب قلب ایله دماغی بر برینه قازیشدیرانلر و قلبی معده یرنده کوسته رنلر بولونور .

چو جو قله (بهار) نهدر ؟ (چیچک) نهدر ؟ (بوغدا) نهدر ؟ (خرمن) نهدر ؟ دیه سوراجق اولسه ق نه جواب آلیرز ؟ بهاری بیلمه ین بهار حقنده نه سویله یه بیلیر ؟ چو جو غک دقتی ، نظری چیچک اوزرینه جلب ایدلش ایسه . . چو جو ق چیچکک آغا چلرده ، اوتلرده تخمدن ویمیشدن اول چیقان رنکلی قوقولی نازک ، نازنین یاپراقلردن عبارت اولدیغنی کورمش ، آکلامش ایسه . . هیچ شهبه سز چیچک قدر لطیف سوزلر بولور ، سویله ر . بوا یکی جهتک معلملری آیری و بر برندن خبردار اولمالی . فقط بوهر وقت وبا خصوص بزم مکتبلرده پک میسر دکل . معلملر بو نقطه لری خاطرده طوتوب تدریسه کی جریانی بوکا کوره اداره ایتسه لر چوق ایی یاپارلر .



کله نک تقسیمنی اول بول اوکره تمک لازم ایسه ، اونی اوکرندک . . کله نک نوعی اوچدر : اسم ، فعل ، ادات . الک اول اسمدن بحث اولونا جق . فقط بعض کتابلر ، بعض معلملر حرفندن بحث ایتهدن کجه میورلر . هایدی تبرکاً برقاج سوزده اونک اوزرینه سویله یه لم . حرف نهدر ؟ تعریف ایتیه جکیز . برنجی مصاحبه ده هانی بر فرضیه یا ممشدق . . بزه ، کندی عتک کزله برالفا ایجاد ایدیکز ، دیسه لر نه یاباییله جکمز ی ملاحظه ایتش ایدک . ایشته او ملاحظه یی چو جو قله ک ادرا کارینک یتیشدیک قدر اوتیه بری یه چکهرز . حرفلر نه یه یارایور ؟ هجار نه ایله کوسته ریلور ؟ هر هجایه بر صائت لازمی ؟ نیچون لازم ؟ (اوزوم) کله سنک ایلك هجاسیله (اوکوز) کله سنک ایلك هجاسی آراسنده فرق وارمی ؟ (اوزون) کله سنده کی (او) ایله (اودون) کله سنده کی (او) برمی ؟ حرفلر یازیلیر کن شکلاً دیکشیرمی ؟ تور کجه ده هانکی حرفلری قوللانیرز ؟ (ایوم) ، (فی الحال) ؟ (بالطبع) کپی کله رده کی (ال) حرفلری نهدر ؟ (که) ، (چه) کپی کله رده کی (ه) لر ناصیل اوقونا جق ؟ (خواجه) و (خویش) کله رنده کی واولر نه اولاجق ؟ بونلر

بلا اما ، باشقه چاره یوق . الک زیاده صائت وصانت حرفلر اوزرینه فکر ویرمه لی ، دوشوندورمه لی . حروف شفه ، حروف ذلاقه ، حروف اطباق ، حروف حلق ، حروف مهموسه ، حروف مجهوره کپی لزومسز معلوما تفر و شلقلره کولوب کچمه لی .

بونلردن صو کره ینه اسمه کلیرز . طلبه یه اطرافزده کی صاییسز اشیانک اسملرینی صورارم . . بونلری صیره یه قورم . بر برینه متناسب اولانلری آیریرم . مترادف دنیلن لغتلری یان یانه دیزوب فرقلرینی کوسته ریرم . کوسته ریرم دکل ، بونلری او صورتلره قوللانیرم که طلبه فرقلری کندی بولور . شو شینک اسمی نهدر ؟ اوکا بکزه ین نهلر وار ؟ بر شینک ایکی اسمی اولورمی ؟ مثلاً (صاندالیه) دیمک (ایسکمه) دیمکیمدر ؟ یوقسه بونلرک بر فرق وارمیدر ؟ (تازه) ، (کوریه) ، (کنج) لغتلری هپ بر معناده میدر ؟ لسانده هر شیئی آکلانا جق کله وارمی ؟ یکیدن میدانه چیقان شیلره ناصیل اسم قویمالی ؟ مثلاً (وهلوسیپه) دیه عجیب برشی یامشله . بونی ایلك کوردیکمزدده اسمنی بیله میز . بویکی شی یوق ایدی که اسمی اولسون . . نه یاپارز ؟ طبیقیله بوکا بر اسم ویر ، که جالیشیرز . یا خود بونه در ؟ دیه صوراراز . ویریلن اسمی اوکره نیوریرز . (وهلوسیپه) ایچون بویله اولمامشمی ؟ بعضیلر بوکا اسم ویرمک ایسته مش . باقشله ، تکر لیکلری وار ، تکر لیکلری اوزرنده یورور برشی . . شو حاله کوره بو بر آراهه . . فقط بیکیری یوق . . ایشده بر شیطانلق وار . آراهه کله سنه شوایکنجی ملاحظه دن بر متمم ، بر مضاف الیه قوشوب (شیطان آراهه سی) دیمشله . بعضیلرجه بو اسم پک بایاغیدر . اونلر بونک آدی نه ؟ دیوب (وهلوسیپه) کله سنی آلیویرمشلر .

بر لسانده هر شیئی کوسته رده جک لغت وارمیدر ؟ یوقدر . لسان نه قدر کنیش اولورسه اولسون بو اولاماز . البته یکی شیلر چیقاجق ، یکی اسملر قونا جق ویا آلتا جق . بو چاره سز بویله در . مثلاً مشروطیتک ظهورندن بری بر چوق یکی ایشله ، یکی حاللر میدان آلدی . (ره آقسیون) ، (ره آقسیونه) صورتنده چیقان لغتلر نهایت (ارتجاع) ، (مرتجع) دیه قرارینی بولدی . بویقوت اولماسه (بویقوت) ، (بویقوتا) سوزلری لسانمزه کیره مزدی . یکی شیلر میدانه چیقنجه یکی لغتلر میدان آلا جق . . بویک طبیعی برشیدر .

بر لسانده هر شیئی کوسته رده جک لغت اولاماز . بوسبیله بعضا یکی اوچ شینک بر اسمی اولیور . باقیسه اولمالی . . اما چاره سز . مثلاً (جای) ایکی معنالی . . جای ایچدم ، چایدن کچدم . مثلاً (قوجه) ایکی معنالی . . قاری قوجه ، قوجه قاری . مثلاً (یوز) اوچ معنالی . . یوز کیشی ، یوز کوز ، صویه دوشدکسه یوز . .

والحاصل چو جو قله اشیایی طائیتوب طائیتوب اسملرینی بولدورورم . بولونان اسملری مختلف جهتلردن تدقیق ایتدیریرم . اسمده تنوع کورورلرسه . . اسمک ایکی اوچ دورلو اولدیغنی اکلارلرسه . . او زمان طبیعی بر تقسیم میدانه چیقار . بلکه بونلره نه دنیه جکنی ده صورارلر . ایشته او زمان تعبیرلرینی ، اصطلاحلرینی

اصولی یا لکڑ با یاغی اسملرده دکل .. معنا کو سترن اسملر نو عندن اولان مصدر لرده و بونک ایجابیله فعالر ددو فعللرک متفرعات و مشتقاتنده جاری. مثلاً (آلمق)، (بولق)، (کیتمک) کی عمومی معنا افاده ایدن کله لره اسم، وصف و ظرف و حرف جر کی بعض کله لر علاوه سیله (هوا آلمق)، (صوغوق آلمق)، (عقل آلمق)، (کری آلمق)، (یوقاری آلمق)، (اله آلمق)، (الدن آلمق)، (ایاق آله آلمق) و (یول بولق)، (فائده بولق)، (یوانی بولق)، (ایتدیکنی بولق)، (موافق بولق)، (معتول بولق)، (سوقاقده بولق) و (ای کیتمک)، (آغیر کیتمک)، (ایله ری کیتمک)، (برابر کیتمک)، (اوتنه کیتمک)، (آت باشی برابر کیتمک) کی خصوصی معنا افاده ایدن بر چوق مرکب تعبیرلر میدانه کلیر. بویله جه برکله ایله افاده ایدیله مین خصوصی معنالر ایکی وزیاده کله ایله افاده ایدیله بیلیر. هله بواصول ایله تورکجه مصدرلره عربی و فارسی مصدرلر واسم و صفتلر قوشولار ق تأمین ایدیله ککیشلک و قولایاق لسانزد ویرکی بر مزیتدر. وسعتی جمله جه مسلم اولان عربجاده اکثرینله هرایش و هر حدث ایچون آیری بر ماده، آیری بر لغت وار. تورکجه ایسه اساسنده بودرجه ککیش دکل. بوسبیله بز، ترکیه مراجعته مجبورز. بویله جه (اولق)، (ایتمک)، (بویورمق) کی معنای پک عام و پک شامل اولان کله لرله (بالغ اولق)، (میمز اولق)، (مشغول اولق)، (محو اولق)، (کذران اولق)، (روان اولق)، (روکردان اولق) و (کرم ایتمک)، (اکرام ایتمک)، (تعلیم ایتمک)، (تعلیم ایتمک)، (اعلام ایتمک)، (استعلام ایتمک)، (فروخت ایتمک)، (جستجو ایتمک) و (عنایت بویورمق)، (فرمان بویورمق) کی بیکلرجه تعبیر ابداع ایدیله رک، بیکلرجه تصرف یا بیلار ق تورکجه نه پک چوق معنالرک افاده سنه چاره بولونیور. فقط بونی لزوم و احتیاج اولونجه یا پارز. یوقسه یوق یر، تعبیر و ظرافت ویریورز، دیه مثلاً (آلمق) معناسی (اخذ ایتمک) صورتنه قویوب (هوا اخذ ایتمک) دیرسک کولونج اولورز. [مابعدی وار]

فلسفه حیاتیه

یاخود

اثبات واجب

افاده. — شیمدی یه قدر علوم تجربیه داخلنده مباحثه و مناقشه ایدیله مین، هر نه زمان بحثی آچیلسه علم مابعد الطبیعه یه عائد اولدینی سویلنیلن اک مهم مباحث اعتقادییه بی بکرش دارالفنونی فیسولوژی معلمی موسیو (پاوله سکو) اک صوک نظریات و تطبیقات فیه دائره سنده وبالخاصه فنون حیاتیه اساسلری اوزرینه جالب نظر دقت بر صورتده موقع بحث و مناظره یه چکمش اولدیغندن بونی ترجمه و توسیع طریقیه اخوان دینک بیش انظار استفاده لرینه وضع ایدیورم.



پاوله سکو دییورکه: علم الحیات دیمک اولان بیولوژیدن و بونک

خبر ویریورم. بواصطلاحی اوکره نیویومک کوچ اولماز، یدیلن بر شینک اسمنی اوکره نمک کی اولور. طادی اولان شینک آدی ده اوکره نیلیر. بر مفهوم ایچون هر وقت مطلقا بر تک کلمی اولمالی؟ بواولاماز. فقط بونی کوکدن طاش دوشر کی اورتیه آتمام. نظری جالب بر جهت بولوب ایشه اورادن باشلارم. مثلاً (آت سینکی) ندن، یاخود (سیوری سینک) دن بحث ایچون وسیله بولورم. بونلره ساده جه (سینک) دیرم. چوجوق بونی ا کمال و تصحیح ایتمک ایستهر. مثلاً دیرم که قولانغه بر (سینک) یاپیشدی. آیری، آری کی، صوغوق، قاییش کی برشی. مکرسه سوارینک آتندن قورتولمش ده کلش. یاقلادم. چوجوق بونی در حال تصحیح ایتدیریر. چونکه بیلیر که سینکک بودورلوسنک آدی (آت سینکی) در. سیوری سینکک ایتدیکی از عاجلری حکایه ایدرم، یاخود سیوری سینکی کوزله کوسته ریرم. آدینه ساده جه (سینک) دیرم. چوجوق البته تصحیح ایدر. انسان مخلوق باشقه سنک خطاسنی تصحیح ایتیه پی پک سوه. چوجوق آ کلاتیر که (آت سینکی) ویا (سیوری سینک) یرنده ساده جه (سینک) دینه مز. چونکه بونلر باشقه باشقه برر حشره در. چوجوق بو تصحیح ایشنده یالکزدده قالماز، آرقاداشلری ده کندیسنی تأیید ایدر. شونک اوزرینه آ کلاشیلیر که بر مفهوم ایچون هر وقت مطلقا بر تک کله بولونق لازم کلز. بر شینک اسمی ایکی اوچ حتی دها زیاده کله دن یاپیلا بیلیر. ایشته (مارماره) بردکیزک اسمی. فقط (آق دکیز) ک اسمی ایکی کله دن یاپیلیمش. کله ایکی اولقله برابر کوسته ردیکی شی ینه بر. بویله جه (شاب دکیزی)، (بحر محیط هندی) ایکی اوچ کله در.

برشی ایچون بردن زیاده کله یه نه دن محتاج اولیورز؟ کوسته ره جکمز شینی برکله ایله کوسته ریمک ممکن اولامادیغندن. بونه دیمک؟ بواو دیمک که آ کلاتاجمیز شینک برکله ایله آ کلاتیلیماسی ممکن دکل. یعنی قیصه جه، حاضرجه بر اسمی یوق. چاره سز ایکی اوچ کله خرج ایدیورز. فقط آ کلاتدیقمز ینه برشیدر.

بعضاً بر مفهوم آ کلاتمق ایچون بویله جه برقاج کله برله شیر. اما آ کلاتیلان هپ برشیدر. واقعا بویله مرکب اسملرده کی کله لرک هر برینک اساساً مفهوم اوزرنده برحق، بر مناسبتی وارد. مثلاً (آت سینکی)، (سیوری سینک)، (شاب دکیزی)، (آق دکیز) تعبیرلرنده بونلری تشکیل ایدن پارچه لرک هر برنده کی معنا و مناسبتی بولق ممکندر. فقط برکره بر شیده برقاج کله اسم اولارق تخصیص ایلدیمی، او برقاج کله نك اوشیده آرتیق آیری آیری مناسبتی آرانمایور. او مناسبتلر او نو تولوب کیدیور. حتی بعضاً او کله لر بر برینه قایناسوب برکله اولیور. ایشته (اونباشی)، (یلقوان)، (سودلاج)، (بولاماج) بویله اولمشدر. (اونباشی) (اون) ایله (باش) دن، (یلقوان) (یل) ایله (قوان) دن، (سودلاج) (سودلی) ایله (آش) دن، (بولاماج) (بولامه) ایله (آش) دن مرکبدر.

برکله ایله آ کلاتیلایان معنالرک بردن زیاده کلاتله آ کلاتیلیماسی

برموجود ذی حیات تشکیل ایتز . پرتوپلازما یا شایه بیلیمک ایچون بر شکل آلق لازمکیرکه بوده (حجره) در .

حجره ، موجودات ذوی الحیاته عائد بر عنصر شکلیه اولوب جهل سنک وجودلری یابر حجره دن (وحید الحجره) و یابر چوق حجره اتدن تشکل ایتشد (کثیر الحجره) .

شکل حجروی انجق ذوی الحیاته مخصوص بر علامت ممیزه اولوب اجسام سائرده کوریه من .

۳- عضو- عضو وحید الحجره و یا کثیر الحجره اولاندرده آیری آیری مطالعه ایدلمیدر . وحید الحجره لک وجودلری تشکیل ایدن حجره اولدقجه مختلط بر عضو مالکدر . اونی تشکیل ایدن پرتوپلازما متجانس دکلدر . حجره نك تکثرنده و علائم حیاتیه تغذیه و نسبییه نك اجر اسنده وظائف خصوصیه مالک متعدد اعضایه تفرق ایدر . بو اعضا نك اک مهمی (نوه) اولوب بر میوه نك چکر دک کبی حجره نك اورته سنی اشغال ایدر .

بتون حجره لر بر نویه مالکدر . نوه سز حجره اوله ماز و بونك مستثناسیده یوقدر .

بر حجره ، بریسی نوه یی حاوی دیگر یی نوه سز اولق اوزره ایکی یه تقسیم اولنورسه نوه لی پارچه یارده سنی قیاتیر و حجره تولید ایدر . نوه سز اولان پارچه تلف اولور . نوه حجره نك تغذیسه و دوچار اولدینی سقط لقلرک تعمیر یته خدمت ایدر . فقط بوندن زیاده نوه حجره نك تکثر یی خصوصنده غایت مهم بررول ایفا ایدر . حجره ده اقسام ایتهدن اول (قاریو کینز) دنیلن غایت مغلق و مختلط صفحات اراؤه ایدر . بالخاصه پرتوپلازما ایسه حجره نك افعال نسبییه سنک (انطباع ، تعامل) اجر اسنده خدمت ایدر . اغذیه نك هضمه لازم بر طاقم دیاستازلز افراز ایتک و اغذیه احتیاطیه یی ادخارا یلک خواصی حائزدر . پرتوپلازما و نوه دن بشقه بعض حجره اتده (سانتروزوم) ،

(واکوئول) ، (لوسیت) الح کبی اعضا دخی بولنورکه برنجیلر حجره نك اقسامنده ، دیگرلری حادثات تغذی و نسبییه ایشه یارارلر . مخلوقات کثیر الحجره اتده عضو فوق العاده بر اختلاطه دوچار اولور . فی الحقیقه بونلرک وجودینی تشکیل ایدن حجرات مترا کهدن هر بری وحید الحجره اتده سویلرکمز عضو اساسی یی محافظه ایدرلر . فقط بعضیلری بر لرلرندن تخلف ایدوب هیئت عمومییه نك احتیاجاتی نسبتنده بر صنعت ، بر وظیفه خصوصیه درعهده ایدرلرکه اوکا مقابل پرتوپلازمالری دیاستازلز ، نه موغلوین ، مواد متقلصه کبی شیلر اعمال ایدرلر . عینی ایشی کورن حجرات مختلفه برلشهرک نسجلر تشکیل ایدرلر (غدوی ، عضلی ، عظمی ، عصبی ، منضی) . بونسجلرده برلشهرک غایت مختلط بر بنیه نك اعضا و اجهزه سنی حصوله کتیریرلر . ایشته بو اعضا و اجهزه نك هر بری موجودات کثیر الحجراتک بر وظیفه سنی ایفا ایدرکه هیئت مجموعه سی بر شخص حصوله کتیریر . مثلاً ، حیوانات عالیه و انسانده شو خصوصی اله آله لم :

۱- بعض اعضا و اجهزه شخصک وجودینی تشکیل ایدن اولقدر

شعبه اساسیه سی بولنان فیزیولوژیدن شویله بر سؤال صورده بیلیرز : اسباب حیات نه در ؟ تعیر دیگرله بر مخلوق ذی حیات حصوله کتیرن سبب نه در ؟ بومسئله پک اسکی زمانلردن بری بشریتی اشغال ایتش و یک اطرافلی بر صورتده حلنه چالیشلمشدر . بویله بر مسئله یه جواب ویره بیلیمک و بوجواب قطعی و غیر قابل اعتراض اوله بیلیمک ایچون اصول و فنون تجربیه قواعدینی تعقیب ایدرک معلومدن مجهوله ، مسیاتدن اسبابه انتقال ایده چکیز . اصول تجربیه اوج اساسه ایتا ایدر :

(۱) مشاهده — اسبابی آرانیلان حادثه و موجودی تدقیق ایتک .

(۲) فرضیه — مقایسه و تشبیه طریقله تفکر ایدرک استحصال ایدیلرک نتیجه ایله آرانیلان اسبابی کشف ایتکدر .

(۳) تحقیق — فرضیه یی بالتجربه دلائل ایله اثبات ایتکدر . بناء علیه زده حیات و موجودات ذوی الحیاتی طرفکیرلک شایه سنیدن بری اوله رق مکمل صورتده مشاهده الله آله جفر و حیاتک اوصاف اساسیه و ممیزه سنی میدان حقیقه قویدقدن صکره اوصاف حیاتییه معقول بر سبب کشف ایدر بیلیمک ایچون طریق تشبیه ایله مناسب بر محاکمه و مقایسه ارایه جفر و صکره بوسببی بالتجربه تحقیق ایتدیره چکیز .



موجودات ذوی الحیاتک مشاهده سی

مشاهده فنییه بزه کوستریورکه موجودات ذوی الحیات اجسام جامدهده تصادف اولنه میان بر چوق اوصاف اساسیه یه مالکدرلر . بتون موجودات ذوی الحیاتده موجود و مشترک بو اوصاف حیاتیه شونلردر :

(۱) بوجود ، بر شکل ، بر عضو ، بر تکامل ، بر تناسل ، والحاصل بر تعیر ایله سویلیمک ایستیرسه بر مبحث الاشکال خصوصیه .

(۲) علائم تغذی و نسبییه یعنی خصوصی بر فیزیولوژی .

اشکال خصوصیه حیاتییه

۱- وجود- بتون اجسام طبعیهده اولدینی کبی مخلوقات ذوی الحیات دخی (ماده و قوت) دن مرکب بر وجوده مالکدر . کیمیای تحلیلی کوستریورکه اجسام حیاتییه بر چوق عناصردن مشکل اولوب بونلرک اک مهمی قاریون ، آزوت ، مولدالماء ، مولدالموضه ، کوکرت و فوسفورددر . عناصر مذکوره نسبت معینهده ممتزج اولوب همان بتون موجودات حیاتییهده متحدالترکیب اولان بر ماده مختلطه یعنی « پرتوپلازما » تشکیل ایدرلر .

پرتوپلازما انجق موجودات ذوی الحیاتده بولنوب وجودلرینک قسم اساسی سنی تشکیل ایدرک بر صفت ممیزه لرینی عرض ایدر . بر صرر پارچه سی تک باشنه بر هیکل یا به مدینی کبی بر قسم پرتوپلازما ده

مختلف حجراتك كافه سنه بر محیط غدائی موافق و بر ترکیب ثابت تدارك ایدرلر. بو اجهزه شونلردر :

۱- جهاز هضمی - دركه محیط خارجیدن آلدینی مواد غدائیه بی محیط داخلی (قان) ادخاله اولی یشلی بر حاله قویار. انبویه هضمیه نك تفرعاتدن اولان جهاز از غدوی مواد مذکور بی حجرات مختلفه نك تغذیه سنه خدمت ایدیه بیلجه صورتده اصلاح ایدر.

ب - جهاز تنفسی - دركه حجراتك محتاج اولدینی مولدالموضه بی قانه اعطاس و احتراقات حیاتیه نك نتیجه سی اولان حامض قاربونی طرد ایدر .

ج - جهاز دورانی - دركه محیط داخلی موافق (قانی) مخلوقك هر بر حجره سنه توزیع ایدر .

د - جهاز بولی - دركه احتراقات حیاتیه دن متحصل اولوب قانده تراکم ایتیمی حجراتك افعال تغذیه سی اخلال ایدن فضلات ازوتیه بی خارجه دفع ایدر .

۲- بعض اعضا و اجهزه دخی شخصی محیط خارجی ایله مناسبتده بولندیرمغه و تهاکیه دوشدیکي وقت اکا وسائط مدافعه بی احضاره خدمت ایدر . کثیرالحجراتك علامت نسبی سی شونلردر :

۱- جهاز بشروی وادی و بونك تفرعاتی و اعضا حواسك اقسام محیطیه سی - دركه بالخاصه محیط خارجیده بولنان قدرتك اشکال مختلفه سی انطباعاتی اخذ ایدر .

ب - جهاز عصبی - دركه اختلاط نسجیه سی عادتاً تصورك فوقده در ، انطباعات محیطیه نك نتیجه سی اولان سیال عصبی بی نقله خدمت ایدر .

ج - جهاز محرك - دركه عضلی و عظیمدر . انطباعاتك تأثیریه بر عکس العمل اجرا ایدر .

۳- بعض اعضا و اجهزه دخی نوعنك دوامی مقصدیه تکثرینه مأموردرلر . بویله جه جهاز تناسلی حجرات جنسیه (بیضه ، حوینات منویه) حاصل والقا حی تسهیل ورشیم و نوزادك احتیاجات اولیه سی تدارك ایدرلر .

مخلوقاتك اکثرنده رشیم تغذی و نشوونما سنه لازم اولان موادی ، والده نك عضویتدن آلمش احتیاط غدائی شککنده یمورطه ، طوبلی اوله رق بولور . حیوانات عالیه نك بعضیسنده پلاسانتا (مشیمه) نامیه بر عضو مخصوص وارددرکه بوعضو دوغریدن طوغری به والده نك قانندن مواد غدائیه بی لوب رشیمك وجودینه ادخال ایدر . دوغددن صکرده محیط خارجیدن غداسنی آلفه غیر مقتدر اولان نوزاد ایچون والده نك مملری بتون عناصر معدنیه و عضویه بی حاوی مکمل برغدا اولان ویاورونك سنیه ، احتیاجاتنه کوره ترکیبی دکیشن سوت اعمال ایدر .

خلاصه ذوی الحیاتك عضویتی درجه نه سایه ده مختلط بر صره افعالندن عبارت اولوب نتیجه سی اعضاتك تشکلی و بونلرک علامت

حیاتیه حجریه و یا شخصیه سنك ایفاسنه و تناسلک اجرا سنه خدمت ایدن وظائف مخصوصه یه تطابق ، تعبیر آخرله شخصك یشامسی و نوعنك دوامیدر . ذوی الحیاتك عضویتی پك ظاهر و نمایان بر صفت غائلیت ارئه ایدیور . دقت بیورلسونکه کثیرالحجراتده عضویت رشیمك حجراتی تخلفه دوچار ایدیور . ونه زماندن صکره ایشلیه جك عضولر تشکیل ایلور . بونی اکلایم ایچون بیکلرجه مثاللر واریسه ده برقاچی ذکر ایده لم : کبد و پانکره آسی کی غدات هضمیه نك حجره لری حیات رشیمیه نك دها ایلک کونلردن اعتباراً بر بردن تخلف ایدیور که بونلر تولدندن بر مدت صکره ایفای وظیفه یه باشلايه جقلردر . کوزده کی طبقه قرنیه و جسم بلورینك حجراتی رشیمك اثنای تشککنده شفاف اولورلر که تولدندن صکره طبقه شبکیه اوزرینه دوشه جك اولان شعاعات ضیائییه یکیرسونلر . انجق بلوغ زماننده ایشلیه جك اولان اعضای تناسل دور جنینك بدایتده تشکل ایدیور . برحلی متعاقب ایفای وظیفه ایده جك اولان مملرک حجراتی تولدندن اول تخلف و تفرقه باشلیور . ایشته بعض اعضا و حجراته عائد کتیردیکمز مثاللر بلا استثنای ذوی الحیاتك بتون حجرات و عضولرینه تطبیق اولنه بیلور . دنیلدیکی کی دائماً وظیفه اعضای یاماز . اعضا وظیفه یه کوره پاییلور . بروظیفه و یا فعلک افراط و یا تفریطی اعضاتك ضمور و یا فحاشیه سنندن بشقه برشی انتاج ایتیز .

شورایه ده دقت بیورلسونکه شایان حیرت بر مغفلیت ارئه ایدن و بر مقصد و غایه یه خدمت ایلان بوتعضو مخلوقك خبری اولمقسزین ، کنیدیسی بیلیمکسزین اجرا اولنیور . مثلاً انسانده غیر قابل تصور بر دقت نامه و بر مکملیتله اجرا اولنان افعال تعضویه دن نه والده نك نه ده یاورونك معلوماتی یوقدر . مادامکه افعال تعضویه غیر ادراکی و اختیاریدر شبه سزدرکه مقصد دخی انی اجرا ایدن مخلوقك مجهولیدر ، یعنی بوافعالی نیچون پاییلور ، بیله مز . بو خواص اساسیه و غائییه و غیر اختیارسیله بوسورت اعضو موجودات ذوی الحیاتدن بشقه هیچ بریده کوریله مز و بونلرک اک مهم اوصاف میزه سنندن اولور .

دهاوار انقره لی علی رضا



اسلامیه دوغری ...

بونندن عصر لرجه مقدم تأسس ایدن دین محمدینك احکام جلیله سی ، عصر حاضر مدنیتك اک صوک کشفیات فیه و حقائق فلسفیه سنه اک قریب بر صورتده و یا خود تمامیه تطابق ایتمکده در .

بوصورتله اهمیتلی بر امتیاز دینی کسب ایدن اسلامیتك تدقیق و تحلیلله تا اعماقندن چیقاریله جق حقیقتلر ، سعادت بشریه نك بوتون صفحاتیه تأمینندن باشقه هیچ برشی افاده ایده مز .

عینی زمانده هیئات اجتماعیه نك ذروه تکمله دوغری آتیه جفی پارلاق خطوه لر اسلامیتك نه درین سهولتلر ابراز ایتدیکی بوگون